

**MOMBASA COUNTY ASSEMBLY
HANSARD REPORT**

Wednesday, 16th March, 2016

The House met at 9:10a.m.

(Mr. Speaker (Hon. Thadius Rajwayi) in the Chair)

PRAYERS

Mr. Speaker (Hon. Rajwayi): Kindly have your seats.

(Silence)

Yes Clerk.

PAPER

Hon. Abdallah Kasangamba. Hon. Abdallah Kasangamba, Leader of the Majority not in the House, next?

(Business differed)

NOTICE OF MOTION

Yes Hon. Abdallah Kasangamba not in the House, go to next.

(Business differed)

STATEMENTS

Yes Hon. Saad Faraj.

Hon. Faraj: Ahsante sana Mheshimiwa Spika taarifa yangu ni kuhusiana na maudhui ambayo kwamba yalikuwa yakitokea dhidi ya Gavana wetu Mheshimiwa Hassan Ali Joho na nakumbuka vyema jana ulitukataza ili tusiweze kusonga mbele na hili jambo kwa sababu tulikuwa tunatarajia ufuatilizaji kutoka kwa upande ule wa wahusika ambao ni Mheshimiwa Gavana. Lakini ni furaha kubwa leo kusimama hapa kuona ya kwamba lile swala ambalo kwamba jana tumekuwa tukilijadili tunaenda kulizungumza limeweza kufaulu na tuna imani hivi sasa ya kuwa kuna baadhi ya taasisi za kiserikali ambazo kwamba zinafanya kazi bila ya kushinikizwa, bila ya kusukumwa na bila ya kupatiwa muelekeo na taasisi yoyote ile ama mkubwa wa aina yoyote.

Mheshimiwa Spika nikisema hivi namaanisha kuwa haki ambayo kwamba iliyokuwa ikitafutwa kwa kipindi cha jana imeweza kupatikana kwa sababu yajulikana wazi kuwa Mheshimiwa Gavana zile silaha ambazo alikuwa yuko nazo ni silaha ambazo kwamba alichukua kupitia kwa sheria na ikiwa kuna mipango yoyote tena ya kuweza kuondoa silaha zile pia ni lazima sheria ifuatwe na sheria imekuwa wazi. Tukiona kuwa Waziri amepangwa alikuwa akimshinikiza Mheshimiwa Gavana kuregesha silaha zile ambaye ni Mheshimiwa Nkaissery ni wazi kuwa alikuwa yuko katika hali ya kutojielewa yeye wala kuelewa katiba ya nchi hii inasema nini kutokana na maswala yale ambayo alikuwa akiyazungumzia. Korti jana iliamua wazi na kusema kuwa yeye hana sheria ya kuweza kunyang'anya silaha zile wala mtu mwengine yoyote hana sheria ya kusema kuwa ikiwa hataregesha silaha zile atatiwa ndani ama atawekwa mbaroni. Inaonyesha wazi kuwa pia korti ile kwa vile ilivyozungumza ni kuwa kuna bodi maalum ambayo kwamba inaweza kutathmini na kuangalia haki na ukweli ili iweze aidha kunyang'anya au kuendelea kupata fursa na haki ya kuendelea kuwa na silaha kama zile.

Mheshimiwa Spika hii ni fahari kubwa kwetu sisi kama watu wa Mombasa kwa kuwa zile siasa zimekuwa zikiendelezwa tangu ushindi wa Malindi katika kura zilizopita ambazo zilikuwa zikiongozwa na Mheshimiwa Gavana Ali Hassan Joho na Mheshimiwa Gavana Amason Jeffa Kingi. Ni jambo ambalo kwamba lilikuwa linaonekana wazi; ilikuwa ni hasira, chuki kutoka kwa serikali ambayo kwamba ni serikali ya Jubilee, wakaona sasa njia moja ya kuweza kulipa lile deni lao la hasira ni kuanza kutia watu dhiki, kuwahangaisha na kutaka

kuwapokonya haki ambayo ni ya kisheria waliopatiwa na nchi hii. Mheshimiwa Spika mimi yangu ni kushukuru sana korti kwa uamuzi wake jana na kuomba Mwenyezi Mungu sio yeye pekee yake bali atupatie salama na amani sisi wote ambao kwamba tuko katika chama cha ODM kwa sababu ule mpangilio ambao uko hivi sasa ni mpangilio ambao uko nje ya nidhamu na sheria ya nchi hii lakini tunamshukuru Mungu na tunashukuru korti kwa juhudi zake na misimamo yake baada ya uamuzi ule wa jana. Ahsante sana Mheshimiwa Spika.

Mr. Speaker (Hon. Rajwayi): Hon. Madundo.

Hon. Mohamed Madundo: Ahsante sana Mheshimiwa Spika yangu pia ni nina taarifa ambayo ni kuhusu barabara ya Dongo Kundu. Barabara hio Mheshimiwa Spika imechukua muda mrefu sana ya kuwa imekuwa ni wimbo wa taifa, hio barabara ipewe siku kuwa itajengwa na mpaka wa leo hio barabara haijafikia sehemu ambayo...kwa sababu hio barabara inatokezea katika Wodi ya Shika Adabu ambayo ni yangu mimi. Jambo jengine ambalo ni la kusikitisha kuna watu ambao walikuwa hio barabara inapitia katika mashamba yao na nyumba zao na pia ilikuwa kulikuwa na mkutano ya mambo ya kulipa malipo ambayo kama hio barabara pia kufikia wale watu ambao wameathiriwa wawe wanaweza kupata malipo yao. Nafikiri kulikuwa na mkutano mpaka sehemu hii pia sisi hatujaelewa kwani serikali kwa sababu kisheria kupata hio mpaka apimiwe shamba yake ikiwa ni nyumba apimiwe halafu kila mmoja ajue kiwango cha pesa ambacho atapata lakini la ajabu ni kuwa hio barabara tokea ianze haijapatikana ikiwezekana na kama wale ambao wameathiriwa na barabara hii pia hakuna jambo lolote la mwafaka ya kuwa kila mmoja atapata kiwango gani cha pesa.

Jambo lingine ilikuwa wale watu ambao sasa wanaenda mwaka wa tatu walielezwa kuwa kama nyumba zao zikiwa ni mbovu wasijaribu kuzijenga zikae namna hiyo hiyo mpaka wanapolipwa ndio wahame ili wakatafute sehemu nyengine, sasa msimu wa mvua umefika na nyumba hizi zimeanza, kama kwa mfano nyumba za makuti nyingi zimeanza kubomoka kule juu na sasa watu pia wanashindwa watafanya nini na mvua imefika na mpaka sasa serikali haijakuwa na msimamo ya wale watu kuwa ambao wataangaliwa kuwa wanaweza kupata malipo yao kwa wakati ambao unapaswa kuwa wao walipwe. Sasa ni watu wamechanganyikana akili hapo hawana la kufanya kwa hivyo Mheshimiwa Spika mimi naiomba Bunge letu la hapa Mombasa ili hiyo shida ambayo iko katika upande wa Shika Adabu ambayo barabara itatokezea hapo tufanyie kwa haraka wale watu wapimiwe mashamba yao kila mmoja ajulikane ako na eka ngapi na ili pia nyumba iwe inaweza kufanyiwa *assessment* ijulikane wanapata pesa ngapi ili mtu mwenyewe ajipange akatafute kazi mahali pengine ambapo wanaweza kujihifadhi kimaisha.

Kwa hio Mheshimiwa Spika mimi yangu taarifa naomba katika hili Bunge litizame kwa makini sana na hili jambo liwe linaweza kufanyika kwa sababu mvua imefika Mheshimiwa Spika. Ahsante.

Mr. Speaker (Hon. Rajwayi): Yes Hon. Duncan, are you up on the same issue? otherwise let me comment on that the issue of Dongo Kundu the information now is that the government is ready to handle that matter; the relevant departments are very much informed and they are trying as much as they can to make sure people are not unnecessary displaced and that if they are supposed to be compensated then it has to be reasonable compensation. On that note and should anything appear to be contrary the best that can be done by those particular citizens out there is that they can petition the government on strategy grounds that the certain considerations must be made, so until then we may not direct on that matter. If they are having any grievances they can petition the government so that this Hon. House can represent the petition with the issues so that is the position Hon. Madundo. Yes Hon. Duncan Onyango.

Hon. Onyango: Ahsante sana Mheshimiwa Spika. Mheshimiwa Spika taarifa yangu ni kuhusu kutokana na hali ya kuajiri katika kitengo cha *Inspectorate*. Mheshimiwa Spika jambo hili tumekuwa tumelijadili kwa muda na ilipofika mwezi wa Januari, Kamati husika waliweza kumuita *County Secretary* na kutoa malalamishi kuhusiana na jinsi watu wanavyoajiriwa.

Mheshimiwa Spika hapo mwanzo nafikiri kila Mheshimiwa alipewa nafasi mbili mbili kama sijakosea na kati ya hizo nafasi mbili sio wote waliochukuliwa, tulichukuliwa mmoja mmoja na wa pili tukaambiwa wanachukuliwa baadae, hiyo baadae mpaka leo Mheshimiwa Spika haijawaifika. Kuna baadhi ya Waheshimiwa hata hiyo nafasi moja moja Mheshimiwa Spika hawakupata, ukienda katika ile idadi ya *Inspectorate* jambo la kushangaza ni kwamba kila uchao kuna watu wanaajiriwa na wakati waheshimiwa wanalalamika huwa tunaambiwa tusebiri tutapata ripoti. Mheshimiwa Spika wakati *County Secretary* alikuja nafikiri alituambia kwamba ndani ya muda wa mwezi mmoja, anakwenda fanya uchunguzi kisha atuletee ripoti.

Mr. Speaker (Hon. Rajwayi): Can you continue Hon. Duncan.

Hon. Onyango: Ahsante sana Mheshimiwa Spika wakati *County Secretary* aliitwa alitupa muda wa mwezi mmoja kwamba anaenda kufaya uchunguzi kisha atuletee ripoti, mwezi umeisha wa pili unaelekea kwisha na hatujapata ripoti yoyote. Ningependa Mheshimiwa Spika jambo hili mlichukulie manani manake hivi karibuni sote tunaelewa kwamba tunaingia msimu wa siasa na kwa wengine wetu siasa inaanza kuwa ngumu kwa sababu ya ahadi ambazo tulipeana kwa watu wetu na mpaka wa leo hatujazitimiza. Mheshimiwa Spika iwapo utaweza chukulia jambo hili kwa makini na tuweze kupata hata hiyo nafasi moja moja ambayo tuliambiwa ya kwamba tutapawa nafikiri itakuwa imetujenga na kila Mheshimiwa atakuwa na nafasi nzuri ya kuweza kupigania kiti chake. Ahsanteni sana.

(Applause)

Mr. Speaker (Hon. Rajwayi): Hon. Lucy are you on the same matter? Yes Hon. Omar Ebrahim.

Chief Whip (Hon. Ahmed Omar Ebrahim): Ahsante Mheshimiwa Spika, mimi ningependa kujibu swala la Mheshimiwa Duncan ambalo kusema kweli hilo ni jambo muhimu sana. Mheshimiwa Duncan, ametaja ambalo litawawezesha waheshimiwa wangu pia kisiasa mwaka huu huu mashinani katika uchaguzi ujao pia vile vile wataonekana wamesaidia jamii pia. Vile vile Mheshimiwa Spika ningependa sana kwa sababu serikali inapeana ruhusa sisi kama waheshimiwa katika Bunge la Kaunti hii kupewa fursa au nafasi hizo mbili mbili kwa kila MCA lakini sisi pia kama MCAs lazima tujue kwamba...

(Interruption)

Mr. Speaker (Hon. Rajwayi): Yes what is it Hon. Siminyu.

Hon. Siminyu: Hon. Speaker the Hon. Member who is saying that he is giving answers to questions asked by Hon. Duncan and now I see that he is complaining and I want to correct this House it is not the Hon. Member to give the answer because it was an opportunity for one person, it was per ward not per Hon. Member. Thank you.

Mr. Speaker (Hon. Rajwayi): You have to know the person who is representing the executive and if you are not given; take the order, that is the person who represents the executive. Yes Hon. Omar Ebrahim.

Chief Whip (Hon. Ahmed Omar Ebrahim): Mheshimiwa Spika pia vile vile ningependa kukumbusha waheshimiwa wenzangu kwamba lazima turudishe shukran kwa serikali kwa sababu jambo la kuajiri kazi ni jambo latoka kwa *executives*, sisi kama Bunge la Kaunti kazi yetu ni kutunga sheria lakini kulingana na mambo mengi mimi kama niko hapa na wakilisha serikali lazima tungekaa na *executive* chini tuangalie ni njia gani tunaweza kusaidiana tuhakikishe kwamba ile ahadi ambayo walitoa iwe ni kitu kinaweza kutimia.

Mheshimiwa Spika kabla tusingoje mpaka muda ukaisha kabla ya uchaguzi serikali sababu nakumbusha waheshimiwa wenzangu kwamba wakuwe na subra, jambo hili litatatuliwa na tutahakikisha ya kwamba ile ahadi walipewa tumeitimiza na pia vile vile...

(Interruption)

Mr. Speaker (Hon. Rajwayi): Yes Hon. Saad Ahmed Faraj.

Hon. Faraj: Thank you Mr. Speaker, I think the question which was raised by the Mikindani ward representative was very clear; what he was actually asking for is the report which were needed in the House by the County Secretary if it still has not been brought. And am talking to my brother Chief Whip he is not commenting on that report but he is giving other avenues to deal with this issue while we already have a solution to that, only the report to come to this House. Thank you.

Mr. Speaker (Hon. Rajwayi): Yes Hon. Maimuna Mwamassa.

Hon. (Mrs.) Maimuna Mwamassa: Ahsante Mheshimiwa Spika kwa fursa hii, naona Mheshimiwa Saad naye alikua ashaanza kugusia yale ambayo nilitaka kuyazungumza kwa sababu ni jambo la kusikitisha sisi kama viongozi sisi tulikuja hapa kupitia siasa na tulichaguliwa aidha ulikuwa *elected or nominated* lakini sote tulichaguliwa na katika kuchaguliwa kuna zile ahadi tulitoa kwa wananchi kuwa tutafanya bidii vijana wetu wapate vibarua, hata kazi na kama zile ahadi tutakua hatujazitimiza mimi kama Maimuna siwezi kwenda mashinani kwenda hata kumuomba Gavana kura kwa sababu tulitoa ahadi na pengine tumeshindwa kuzitimiza na hiyo nafasi moja ikiwa itapitia kwangu itakapokwenda kwa yule mwananchi nitamfikia sio eti ikija kwangu nitaitumia mimi itakwenda kwa yule kijana pale chini mashinani. Vile vile Mheshimiwa Spika ni jambo la kusikitisha kwa kuwa wale vijana walioajiriwa mpaka sasa hawajapewa *permanent* ni vibarua, hiyo ni hatari nyengie na ni jambo la kusikitisha kwa hivyo naomba hatua ya haraka ichukuliwe wale vijana wapate kuandikwa kwa hayo machache ahsante Mheshimiwa.

Mr. Speaker (Hon. Rajwayi): Yes Hon. Ibrahim Kondo.

Hon. Ibrahim Kondo: Ahsante Mheshimiwa Spika. Mheshimiwa Spika mimi pia ningelipenda kuchangia kidogo kutokana na swala lililowekwa mbele ya Nyumba hii na Mheshimiwa wetu wa Mikindani. Mheshimiwa Spika tunapoongea maswala ya ajira sisi ndio wawakilishi katika Mombasa Kaunti na iko na umuhimu zaidi kama mimi kama Mwakilishi kwa maoni yangu kupata nafasi za vijana. Mheshimiwa wetu ambaye ni Kiranja wa Bunge ameongea swala la kwamba sisi hatuhusiani na swala la kuandika watu lakini pia na yeye akumbuke sisi ndio tunaowawakilisha wananchi katika sehemu zetu. Kwa hio Bwana Kiranja wa Bunge naye arudi kwako tena wewe ndio kinara wa Bunge hili lazima utakaposimama mbele ya Nyumba hii utupatie muelekeo mzuri ili kunufaisha viongozi usije ukatupatia ripoti ikaleta utata kama ndugu yetu Nkaissery alipotoa ripoti za bunduki.

(Laughter)

Mheshimiwa Spika kwa hivyo naomba radhi kwa Kiranja wa Bunge ili wakumbuke sisi ndio viongozi kule mashinani. Ahsante Mheshimiwa Spika.

(Interruption)

Mr. Speaker (Hon. Rajwayi): Yes Hon. Siminyu.

Hon. Siminyu: Thank you Mr. Speaker. Mr. Speaker we were given opportunities per ward so that we can see people from our wards get opportunities and am happy we were given one chance in each and every ward was supposed to be two but were given one chance and we make sure that our people get that opportunity. Unfortunately it is an opportunity that is unacceptable because if you were given a job with no job security with no proper contract it is as useless as not having that job. Mr. Speaker this House was supposed to be having a report as per what happened or what transpired and we have information that they selected employees per

ward, some have already gotten their letters some have not yet gotten their letters. Mr. Speaker we are heading to near elections period and we have said we are not going to stand on our own or say we have given employment to the second person but yet we have not confirmed, it is dangerous and we need to have a confirmation for those if not for that one person we have already taken to the County to work for the people of Mombasa County.

Hon. Speaker I disagree with the Chief Whip who is saying that he is giving an answer to Hon. Duncan Onyango; we need a comprehensive report from the Labour Committee so that we can make sure that this issue is brought to an end, thank you.

Mr. Speaker (Hon. Rajwayi): First of all we must also listen to Hon. Ebrahim, yes can you resume your seat. Yes Hon. Omar Ebrahim.

Chief Whip (Hon. Ahmed Omar Ebrahim): Ahsante kwa mara nyengine Mheshimiwa Spika kwa fursa hii ili nipate kujibu waheshimiwa wenzangu ambao kidogo wameuliza swali. Mheshimiwa Spika, ndio mimi niko upande wa serikali na pia vile vile ni Mwakilishi wa vijana Bungeni jambo kama hilo linagusia sana katika ajira ya vijana wetu wa mtaani na vile sisi Waheshimiwa tuko katika Bunge la Kaunti kuangalia maslahi ya watu au vijana hawa lakini nataka kuhakikisha Bunge hili kwamba jambo hili tulikaa na *County Secretary* katika chumba cha mikutano hapo chumba cha mikutano tukalizungumza. Kitu nilichokielewa Mheshimiwa Spika ni ripoti katika Jumba hili ambayo itatueleza kimada ni njia gani ambazo atatumia na ambazo watatumia ili kuhakikisha kila Mheshimiwa ile ahadi alipewa iweze kutimia.

Kwa hio sisi nataka kuambia Bunge hili ya kwamba sisi Kama serikali upande wa Bunge la Kaunti tunahimiza kwa *County Secretary* ile ripoti ifikishwe katika Bunge hili Mheshimiwa Spika...

(Applause)

...Ili tupate *details* zote kulingana na hilo jambo Mheshimiwa Spika. Shukran.

Mr. Speaker (Hon. Rajwayi): Well ladies and gentlemen we'll have this information right from you that actually just rush maybe before Hon. Omar Ebrahim finalizes on this statement there is certain information; one he has actually appreciated the fact that you know your important roles in this Assembly, one is representing the youths, the second thing is actually a representative of the government in the House, he has the powers of the government on behalf of the government, third he has raised which even those who are disputing Hon. Siminyu I do agree is that we don't have those powers to actually employ people and Hon. Siminyu has put it very clearly that we were represented, somebody somewhere has to appeal that we are giving you time to work then this saying Leader or Chief whip is saying that we need to actually engage the executive on how to get the words of Hon. Siminyu and again there's one Member who is saying we cannot discuss what Hon. Patrick Siminyu said that we have people that actually the words that we have acquired have been confirmed, otherwise have been confirmed.

We have all that it takes and to move with speed and know why that has not taken place, so ladies and gentlemen the response by the Chief Whip I want to believe is a good test and the right direction that we must engage also the County Secretary to make sure that this kind of information is in this Hon. House as soon as possible, Chief Whip be directed. Yes Clerk next.

Yes Hon. Lucy Chizi.

Hon. (Ms.) Chireri: Ahsante Mheshimiwa Spika. Mheshimiwa Spika langu ni kilio cha wananchi wa Mtopanga jinsi ambavyo wanavyohangaishwa na maaskari wetu, si askari wetu wa Kaunti bali ni askari wetu wa serikali kuu. Mheshimiwa Spika eneo la Mtopanga limekuwa na taharuki, taharuki yenyewe ni hawa mama wa Mangwe, ni hali ya kuhuzunisha hawa watu wanapata ajira pale lakini ni kuwa tatizo hili ni tatizo sugu kwa sababu askari wetu wanaingia pale si asubuhi si mchana si jioni wanaingia kwa *mangwe* mwenyewe amefunga yuko ndani

amejituliza anangoja yale masaa aweze kufungua utaona mama au baba anabebwa kila kitu kinachukuliwa kwa nyumba wanapelekwa kortini wakifika kule wanachajiwa. Ni sawa wakipelekwa kortini lakini wengi wao Mheshimiwa Spika hawapelekwi kortini wanazungushwa ile pesa ambayo wamepata inaingia mikononi mwa hao askari la kuhuzunisha ni kwamba kichapo kimekuwa kikali sana askari hao wanatembea na nyaunyo kijana atakayepatikana njiani yualazwa chini yuapigwa vibaya sana wale watakaopatikana kwenye mangwe wanatandikwa. Watu wana majeraha Mheshimiwa Spika; kuna mama askari ambaye anatoka *dog station* na wengine wanatoka sehemu ya Nyali kimekuwa ni kilio, kilio kikubwa mawe yamepurwa na kuna wengine bado wanalipa leseni huku wanatoa ushuru tu lakini imebidi wafunge kwa kujikinga na yale majanga ambayo yako. Sasa si kuwa wanaingia kule uwapate wote Mheshimiwa Spika wakiwakosa kule kwenye mangwe wanaingia kwenye mabanda hata kama kuna uji unauzwa pale ama kuna watu wanakunywa uji vijana wanachukuliwa wanatandikwa.

Sasa sielewi sheria hii ya kutandika watu wamekuja nayo wao ama sheria hii imetoka wapi Mheshimiwa Spika? Ninachoelewa kama mtu amefanya makosa wanamshika na kumpeleka pale mahali ambapo panatajikana lakini katika Wodi yangu wananchi wanahangaishwa sana biashara zao zimekufa. Si sote ambao wamebahatika kupata ajira ambazo ni za maofisini lakini wananchi wale hawajajua hatua yao itakuaje; kama Mheshimiwa Spika unavyoelewa eneo la Kisauni liko na mambo mengi sana, kuna hawa vijana ambao wanawahangaisha wananchi, kijana yule hautamuona mchana akizunguka, wako na maskani zao na hao hao askari wanazijua maskani za wale vijana, badala ya kuwa wawafuate wale vijana wawashike, wanaanza kuhangaisha wananchi. Pengine hao wananchi wangewashika vizuri wangeweza kuwapatia taarifa kuhusu hao vijana lakini leo hii utakuja na nyaunyo umtandike huyu mwananchi atakupa habari gani, wanapoteza habari kutoka kwa wananchi kwa sababu hawa vijana hawajulikani na hawawezi wakawashika, wanashika watu ambao hawana hatia.

Mheshimiwa Spika wakiendelea hivyo hawawezi kupata habari yoyote kutokana na zile hali za kule, wananchi wangu wanapata shida na ninaomba msaada. Ahsante.

Mr. Speaker (Hon. Rajwayi): Hon. Zainab is it on the same issue? Hon. Patrick Siminyu on the same?

Hon. Siminyu: Hon. Speaker if you walk around town at night...

(Mobile phone rings)

You won't find anybody walking in our street so Mr. Speaker I don't know if Mombasa County has a curfew or what? The moment you are found walking you are arrested anyhowly and that's why people are staying and staying back at home so that they are safe not to get arrested. Mr. Speaker, this matter is serious, If you go to the other side or other Counties, that is Kilifi County just across Mtwapa the business is improving, wananchi are walking around freely while Mombasa County is frustrated...

(Mobile phone rings once again)

Mr. Speaker, it has become very hard for Mombasa County to do business at night, this matter is very serious as a House, we need to talk in one voice and we say there is intelligence for listening, they know those who are goons and those who are thieves why don't you arrest the goons and leave the innocent citizens to do their business? Mr. Speaker It is a matter that this House has to look into it, Hon. Lucy Chizi I would like to congratulate you for bringing this matter on behalf of our people, because there is a tendency of the police force trying to make money out of our people and if this matter is not addressed properly then our people will be suffering and we as Members of the Mombasa County Assembly will be doing them injustice as we keep quiet and there is a need for engagement for the Committee of Security that we have in

this House to start engaging the police and to see the best practices of how we can work together so that we can see that the innocent Mombasa people have a chance to walk freely on the streets.

So we have street lights and no one is using them so that we can have a 24hrs economic flow in Mombasa because we are losing business because of the way the police in Mombasa are harassing our people. Mr. Speaker we will have to stand as a County and the Committee that is concerned to start discussing with the relevant offices so that we can see the harassing of our people stop. Mr. Speaker, thank you very much.

Mr. Speaker (Hon. Rajwayi): Yes Hon. Ahmed Omar Ebrahim.

Chief Whip (Hon. Omar Ahmed Ebrahim): Ahsante sana Mheshimiwa Spika, mimi pia nimesimama kwa habari kama hiyo hiyo kwa sababu hivi karibuni serikali yetu kuu kupitia polisi imekuwa ikifanya misako mingi sana mitaani, tena haswa wakati wa mchana. Mara wasikia polisi wakipita karibu na steji ya matatu, wale manamba wanakaa pale steji kungoja *squadi* zao Mheshimiwa Spika waingie kwenye vibarua vyao wanashikwa na ukiangalia vijana hawa ni vijana ambao hawakubahatika kupata ajira kulingana na uchumi wa nchi yetu. Mheshimiwa Spika hatuwezi kuwapa kazi vijana wote hawa; wengine wao basi wameingilia shughuli za tuktuk, mapikipiki na matatu, sasa kama bado misako ile itakuwa ikifanyika vijana wetu wakiwa wamekaa masteji halafu magari ya polisi yanapita yakiwashika mpaka jana nikapata mwaliko kutoka kwa vijana huwa sana wanafanya mazoezi kule chini Bahari club nikaweza kufika likawa ni jambo la kulalamika sana kwa sababu saa zingine unapata kijana akifanya mazoezi asubuhi akimaliza anaogelea akijitayarisha kupanda juu kumekuja lori la polisi katika geti la baharini na vijana kama wale wanashikwa.

Mheshimiwa Spika jambo kama hili likiendelea na sisi serikali tuko hapa itakuwa sio sawa na sisi ni jukumu letu tuangalie ni njia gani tunaweza kuwalinda pia wananchi wetu ambapo kama ikiwezekana Kamati yetu ya usalama ijaribu kushirikiana na polisi tuangalie jambo hili tunaweza kulitatua vipi. Tunavyojua kwamba siku hizi, polisi wa AP na polisi wanafanya kazi kwa utofauti kwa sababu mara ya kwanza watu walikuwa wanashirikiana, wanaungana kulinda usalama kwa umoja, kila kitu kwa pamoja lakini siku hizi wako mbali mbali Mheshimiwa Spika, kidogo wametengana.

Kwa hivyo inaonekana kila kitengo cha polisi kinaonyesha nguvu zake kwa sababu ma AP wakiingia wanafanya msako wao, polisi wanafanya msako wao kivyao Mheshimiwa Spika kwa sababu hata pia jana jioni nilipigiwa simu nikaenda kwa kituo cha polisi cha Nyali ikawa kuna manamba wawili wameshikwa lakini nilifika nikijua niko na uhusiano mzuri na Bwana OCS na OCPD wa kwetu Nyali lakini kwa bahati mbaya nikaambiwa jambo kama lile walio wafanyia msako ule si Polisi bali ni *Administration police* mpaka sasa nitafute watu wa *Administration police* niwaombe ruhusa ndio vijana kama wale waweze kuachiliwa. Mheshimiwa Spika kama tunavyojua, fahali wawili wakipigana nyasi ndio huumia, kwa hivyo vitengo kama vile ni lazima vishirikiane kwa sababu ukiangalia wale Kenya police tuko na uhusiano nao ukienda stesheni OCS unamjua lakini ikiwa AP atafanya msako wake, polisi afanye msako wake, AP akishika mtu, polisi hawezi kumsaidia litakuwa ni jambo la kusikitisha katika uongozi huu kwa wananchi wetu ama vijana wetu mitaani wawe ni watu wenye kudhalilishwa. Pia vile vile kina mama wenye mabiashara ambao pia wao wanakata leseni zao za mangwe iwe wanahangaishwa katika biashara zao na wanaweza kukosa pato katika jamii za kimaskini itakuwa sio sawa kwa sababu Mheshimiwa Spika kupitia kwa kiti chako naomba Kamati kama ile uipe jukumu la kufwatilia jambo kama hili kuhakikisha kwamba wananchi wetu wa Mombasa wanapokuwa katika shughuli zao, wanapokuwa katika kazi zao na pia vile vile wanapokuwa katika biashara zao wajisikie kwamba wako huru na pia wanaweza kutembea bila wasi wasi wowote kama wakenya.

Kwa sababu siku hizi hujui ukimbie polisi, hujui ukimbie jambazi; kama pande za huku Kisauni ukisikia kuna wakali kwanza wakimbia, ukisikia kuna polisi wakimbia. Mheshimiwa Spika wananchi wetu hatuwezi kuwaacha waishi katika hali kama hii naomba kupitia kwa kiti chako mliangazie swala hili kwa umuhimu tuone tutapata suluhu gani? Ahsante.

Mr. Speaker (Hon. Rajwayi): Yes I want to believe that the Hon. Members of this particular Committee are in the House and they are taking note so the Committee of Security and Disaster Management to move with speed and to respond back to the House on this particular matter within a period of not more than 14 days and it's an urgent matter that needs a quick response. So Hon. Lucy that has been directed to the Committee on Security they will report back the matter as I have stated earlier. Yes Clerk next business.

SILENCE

Yes Hon. Ibrahim Kondo.

Hon. Ibrahim Kondo: Ahsante Mheshimiwa Spika nimesimama na taarifa. Kama tunavyojua Mheshimiwa Spika Mombasa Kaunti ni mji ambao unaokuwa kwa haraka na kila leo tunaona msongamano wa magari katika barabara zetu na haswa kazi nzuri zinazofanywa na idara yetu ya *Inspectorate* ambayo ina hakikisha barabara zetu ziko katika hali iliyo sawa. Mheshimiwa Spika kuna jambo la kushangaza na la kusikitisha; matumizi ya barabara inayoelekea eneo la Changamwe katika mataa ya barabarani ya Sabasaba; watumizi hawa wanapata shida itakapofika masaa ya jioni kwa sababu baadhi ya wanaongoza shughuli ile ama mataa yanayotumika pale hayafuatwi inavyostahili. Mheshimiwa Spika nikisema hivi ni kwamba, madereva wamekuwa na tabia ambayo wanatumia ya kuanza kubeba abiria na kulifanya eneo la Lights Sabasaba kama stani kubwa pale ambapo wanafanya msongamano mkubwa wa magari wakati wa jioni. Mheshimiwa Spika barabara ile siku ya Jumamosi, Jumapili usiku watu wengi wanapata shida zaidi; mtu anasimama kwenye mataa ya barabarani zaidi ya lisaa limoja kwa sababu ya matumizi mabaya ya madereva wa matatu ambao wamefanya kama steji pale.

Kwa hio Mheshimiwa Spika naomba kupitia kiti chako tupate mwelekeo sahihi kupitia kwa wizara ya *Inspectorate* ili waweze kuhakikisha sehemu ile inafuatwa na inafanya kazi kama vile inavyostahili. Ahsante Mheshimiwa Spika.

Mr. Speaker (Hon. Rajwayi): Well the same Committee to take note on that and also to note the time frame of the Statement by Hon. Lucy Chizi Chireri. Yes Hon. Zainab.

Hon. (Ms.) Zainab Kithinzi: Ahsante sana Mheshimiwa Spika ningependa kutoa taarifa kuhusiana na hili Bunge letu tukufu. Mheshimiwa Spika kama tunavyoelewa kufa ni lazima lakini hakuna mtu anayependa kufa. Mheshimiwa Spika kuna jinamizi ambalo limevamia hili Jumba letu, hivi ninavyoongea waheshimiwa maisha yao yako kwenye hatari kwa sababu kila uchao kila mwenye gari anaponea chupuchupu katika barabara na imetoka kwenye magari hadi sasa imevamia wale ambao hawana magari. Mheshimiwa Spika nilikuwa naomba kupitia kiti chako tuweze kupata siku ambayo ni muhimu ya maombi kwa ajili ya Kaunti yetu, tuweze kujumuisha waumini wa kila dini waje watuombee ili hilo jinamizi liweze kutuacha. Kwa sababu Mheshimiwa Spika saa hizi unavyoona hili Jumba lina waka moto, kila mmoja akiamka yualiogopa kwa sababu hajui atakapotoka atakutana na nini njiani, na kipi kitakachomkuta?

Kwa hivyo langu ilikuwa ni kuomba tuwe na siku maalum ya maombi tuweze kuombewa kwa ajili ya haya maafa ambayo yanatukumba Mheshimiwa Spika. Ahsante.

Mr. Speaker (Hon. Rajwayi): Well am aware some Members or individuals were dealing with this issue and i don't know how far that particular matter was handled and if it is in the process that i might not know, so i would like to argue to raise that particular matter in the House Business Committee. Yes Clerk next.

ADJOURNMENT

Ladies and gentlemen this House stands adjourned until today in the afternoon at exactly 2:30p.m.

The House rose at 10:01a.m.